

áureum in manu sua. Juxta. Glória Patri. Stetit.

V. Ascéndit fumus arómatum in conspéctu Dómini. **R.** De manu Angeli.

AD SEXTAM.

Capitulum. Apoc. v. c

AUdívi vocem Angelórum multórum in circúitu throni, et animálium, et seniórum : et erat númeruseórum míllia míllium, voce magna dicéntium : Salus Deo nostro.

R. br. Ascéndit fumus arómatum, * In conspéctu Dómini. Ascéndit. **V.** De manu Angeli. In conspéctu. Glória Patri. Ascéndit.

V. In conspéctu Angelórum psallam tibi Deus meus. **R.** Adorábo ad templum sanctum tuum, et confitébor nómini tuo.

AD NONAM.

Capitulum. Apoc. xij. b

FActum est prœlium magnum in cœlo : Michaël et Angeli ejus prœliabántur cum dracóne, et draco pugnábat, et ángeli ejus : et non prœvaluérunt, neque locus inventus est eórum ámplius in cœlo.

R. br. In conspéctu Angelórum, * Psallam tibi

Deus meus. In conspéctu. **V.** Adorábo ad templum sanctum tuum, et confitébor nómini tuo. Psallam tibi. Glória Patri. In conspéctu.

V. Adoráte Deum. **R.** Omnes Angeli ejus.

IN II. VESPERIS.

Añæ et Capit. ut in Laudibus. [288]

Psalmi de Domin. ut in Psalt. 150. et ultimo loco

Psalmus cxxvij.

Confitébor tibi Dómine in toto corde meo : * quóniam audísti verba oris mei.

In conspéctu Angelórum psallam tibi : * adorábo ad templum sanctum tuum, et confitébor nómini tuo.

Super misericórdia tua, et veritáte tua : * quóniam magnificásti super omne, nomen sanctum tuum.

In quacúmque die invocávero te, exáudi me : * multiplicábis in ánima mea virtútem.

Confiteántur tibi Dómine omnes reges terræ : * quia audiérunt ómnia verba oris tui :

Et cantent in viis Dómini : * quóniam magna est glória Dómini.

Quóniam excelsus Dóminus, et humília respicit : * et alta a longe cognóscit.

Si ambulávero in médio tribulatiónis, vivificábis me : * et super iram inimicórum meórum extendísti manum tuam, et salvum me fecit dextera tua.

Dóminus retribuet pro me : * Dómine misericórdia tua in sæculum : ópera mánuum tuárum ne despicias.

Añæ. Angeli, Archángeli, Throni et Dominatiónes, Principátus et Potestátes, Virtútes cœlórum, laudáte Dóminum de cœlis, allelúia.

Hymnus.

TE splendor, et virtus Patris,

Te vita, Jesu, córdium, Ab ore qui pendent tuo, Laudámus inter Angelos.

Tibi mille densa míllium Ducum coróna militat : Sed éxplicat victor crucem

Michaël salútis signifer.

Dracónis hic dirum caput In ima pellit tártara, Ducémque cum rebéllibus Cœlésti ab arce fúlminat.

Contra ducem supérbie Sequámur hunc nos Príncipem,

Ut detur ex Agni Throno Nobis coróna glóriæ.

Patri, simúlque Fílio, Tibique sancte Spíritus, Sicut fuit, sit júgiter Sæclum per omne glória. Amen.

V. In conspéctu Angelórum psallam tibi Deus meus. **R.** Adorábo ad templum sanctum tuum, et confitébor nómini tuo.

Ad Magnif. Añæ. Sancti Angeli, * qui Deo in cœlis semper assístitis, deféndite nos in prœlio, ut non pereámus in treméndo judicio.

PRO FERIA III.
De SS. Apostolis.

Semiduplex.

Omnia de Comuni Apostolorum [2] præter sequentia.

Oratio.

DEus, qui nos per beátos Apóstolos tuos ad agnitióem tui nóminis venire tribuísti : da nobis eórum glóriam sempitérnam et proficiéndo celebráre, et celebrándo proficere. Per Dóminum nostrum Jesum Christum Fílium tuum.

In j. Nocturno, Lectiones de Scriptura occurrente.

In II. Nocturno.
De Sermone sancti Augustini Episcopi.

Serm. xliij. de Sanctis.

Lectio ib.

Isti sunt lux mundi : quia per ipsos lumen fidei, et veræ scientiæ primum Dominus huic mundo tradidit et ab errorum ac peccatorum tenebris gentes et populos eruit. Isti sunt sal terræ : quia per eos terrigenæ condimentum saporis vitæ æternæ percepérunt, ut restringerent carnis lasciviam, et a putredine peccatorum et vitiorum vermibus servaréntur illæsi. Isti sunt lapides pretiosi, quos in fundamento cœlestis ædificiî positos Joannes in Apocalypsi sua describit : quia prædicatio eorum Ecclesiæ fundamenta locavit. Unde et Paulus ait : Vos estis cives Sanctorum et domestici Dei, superædificati super fundamentum Apostolorum et Prophetarum.

℞. Vidi conjunctos viros habentes splendidas vestes, et Angelus Domini locutus est ad me, dicens :

* Isti sunt viri sancti facti amici Dei. ℣. Vidi Angelum Dei fortem, volantem

per médium cœlum, voce magna clamantem, et dicentem. — Isti sunt.

Lectio v.

HOC ergo considerantes, fratres carissimi, quæ tanti duces populi nos docuerunt, studeamus factis implere, quæ illi iusserunt. Discamus eorum exemplo mundi divitiis contemnere, præsentis sæculi voluptatem non amare, regnum cœlestè desiderare, Christo nihil præponere, sed ejus mandatis in omnibus obedire, paupertatem præsentium rerum diligere, virtutum divitiis habere, sapientiæ thesaurum appetere, spirituales delicias quærere, nulli invidere, sed omnes homines diligere, amicos in Deo et inimicos propter Deum; quia hæc est vera et sola dilectio.

℞. Beati estis cum maledixerint vobis homines, et persecuti vos fuerint, et dixerint omne malum adversum vos, mentientes, propter me : * Gaudete et exsultate, quoniam merces vestra copiosa est in cœlis. ℣. Cum vos oderint homines, et cum separaverint vos, et exprobraverint, et ejecerint nomen

vestrum tamquam malum propter Filium hominis. — Gaudete.

Lectio vi.

Isti ergo Principes nostri, in amore Dei perfectissimi, et in proximorum dilectione implenti, hinc potuerunt mundi impetum vincere, et cruentum sæculum domare, quia nihil amaverunt in omni re, nisi Dei voluntatem. Ita et nos, fratres, diligamus in omnibus rebus Dei facere voluntatem, et Creatorem nostrum amemus in semetipso, creaturam vero in conditore suo, et sic habebimus ordinatissimam caritatem : quia Deus caritas est, et qui diligit hanc dilectionem, diligit Deum. Et si ita dilexerimus, diligit nos ipse Deus, diligunt nos et sancti Apostoli iudices nostri, et exorant pro nobis, ut in universali iudicio Christi cum ipsis in perpetuum coronemur.

℞. Isti sunt. [13]

In III. Nocturno.

Lectio sancti Evangelii secundum Matthæum.

Lectio viij. Cap. xix.

In illo tempore : Dixit Petrus ad Jesum : Ecce nos reliquimus omnia, et

secuti sumus te : quid ergo erit nobis? Et reliqua.

Homilia sancti Hilarii Episcopi.

Comm. in Matth. cap. xx.



Apostoli dicti Domini hæc reddunt, reliquisse se omnia, et cum ipso esse. Quibus Dominus, cum sederit in majestatis suæ sede, sessuros super sedes duodecim, ac totidem tribus Israel iudicatos spopondit; omnibusque qui universa reliquerint propter nomen ejus, fructum centupli præmii reservatum: multos autem ex novissimis primos, et ex primis futuros novissimos. Multa sunt quæ non sinunt nos simplici intellectu dicta Evangelica suscipere.

℞. Isti sunt qui viventes in carne, plantaverunt Ecclesiam sanguine suo : * Cálicem Domini bibérunt, et amici Dei facti sunt. ℣. In omnem terram exiit sonus eorum, et in fines orbis terræ verba eorum. — Cálicem.

Lectio viij.

Interpositis nonnullis rebus, quæ ex naturâ humani sensus sibi contrariæ sunt, rationem quærere cœlestis intelligentiæ

admonémur. Apóstoli dicunt, et sequi se Christum, et se ómnia reliquisse. Quómodo ígitur fiunt tristes, et quómodo métuunt dicétes, salvum esse néminem posse? Namque et ab áliis fieri póterat, si quid fecissent ipsi. Déinde cum fecissent ipsi; quare metus, vel unde susceptus est? Additur étiam in responsióne Dómini, hæc apud hómines impossibilia, possibilía apud Deum. Numquid apud hóminem impossibilia erant, quæ et Apóstoli fecisse se gloriántur, et fecisse eos Dóminus agnóscit?

R. Isti sunt viri sancti, quos elégit Dóminus in caritate non ficta, et dedit illis glóriam sempitérnam: * Quorum doctrína fulget Ecclésia, ut sole luna. **V.** Sancti per fidem vicérunt regna, operáti sunt justítiam.— Quorum Glória Patri. Quorum.

Tertio jr.

Omnis itaque hic sermo est spiritalis. Quid autem Dei virtúti tam possibile est, quam ut per fidem salvet? ut per aquam regeneret? ut per crucem vincat? ut per Evangélia adóptet? ut per resurre-

ctiónem ex morte vivíficet? Quibus audítis Apóstoli cito credunt, seséque ómnia reliquisse profiténtur. Sed hanc eórum obediéntiam cito Dóminus remunerátur, omnem difficultátem superióris quæstiónis absólvens, cum dicit: Vos, qui secúti estis me, in regeneratióne, judicábitis duódecim tribus Israel. Hæc enim illa regeneratió est, quam Apóstoli sunt secúti, quam lex indulgére non pótuít, quæ eos super duódecim thronos in judicádis duódecim tribubus Israel, in duódecim Patriarchárum glória copulávit.

Te Deum. 20.

PRO FERIA IV.

De S. Joseph

Sponso B. M. V. Conf.
et Catholicæ Ecclesiæ
Patrono. Semiduplex.

IN II. VESPERIS.

Añæ de Laudibus. [300]
Psalmi ut in j. Vesp. de
Communi Apostol. [2].

Capitulum. Gen. xlix. d

Benedictiónes patris tui confortátæ sunt benedictiónibus patrum ejus: donec veníret desidérium cõlium æternórum: fiant in

capite Joseph, et in vértice Nazaræi inter fratres suos.

Hymnus.

TE, Joseph, célebrent ágmina Cœlitum,
Te cuncti résonent Christiádum chori,
Qui clarus méritis, junctus es ínclytæ
Casto fœdere Vírgini.

Almo cum túmidam gérmine cõnjugem

Admírans, dúbio tángeris ánxius,

Afflátu súperi Fláminis Angelus

Concéptum púerum docet.

Tu natum Dóminum stríngis, ad éxteras

Ægypti prófugum tu séqueris plagas;

Amíssum Sólymis quæris, et ínvenis,

Miscens gáudia flétibus.

Post mortem réliquos mors pia cõsecrat,

Palmámque eméritos glória súscipit:

Tu vivens, Súperis par, frúeris Deo,

Mira sorte beátior.

Nobis, summa Trias, parce precántibus,

Da Joseph méritis sídera scándere:

Ut tandem líceat nos tibi pépétim
Gratum prómere cánticum. Amen.

V. Constituit eum dómnum domus suæ. **R.** Et príncipem omnis possessiónis suæ.

Ad Magnif. Aña. Cum esset desponsáta * Mater Jesu María Joseph, ántequam convenirent, ínventa est in útero habens de Spíritu sancto.

Oratio.

Deus, qui ineffábili providéntia beátum Joseph sanctíssimæ Genitricis tuæ sponsum eligere dignátus es: præsta quæsumus, ut quem protectórem venerámur in terris, intercessórem habére mereámur in cœlis. Qui vivis.

AD MATUTINUM.

Invitat. Laudémus Deum nostrum, * In veneratióne beáti Joseph, protectóris nostri. **Ps.** Venite. 2.

Hymn. Te, Joseph. *supra.*

In I. Nocturno.

Aña. Ascéndit Joseph * a Galilæa de civitáte Nazareth in Judæam, in civitátem David, quæ vocátur Bétlehem, ut profiterétur cum María.

Psalmi trium Nocturn. de Communi Conf. [99]

Aña. Venérunt pastóres * festinántes: et invenérunt Mariam, et Joseph,

et infāntem pōsitum in præsēpio.

Añā. Ecce Angelus Dōmini * apparuit in somnis Joseph, dicens : Surge, et accipe pūerum, et matrem ejus, et fuge in Ægyptum.

℣. Confitebor nōmini tuo. **℟.** Quōniam adjutor et protector factus es mihi.

Lectiones de Scriptura occurr. cum ℟℟. sequent.

℟. j. Clamavit pōpulus ad regem, alimēta petens : * Quibus ille respōdit : Ite ad Joseph. **℣.** Salus nostra in manu tua est : respice nos tantum, et læti serviēmus regi. — Quibus.

℟. ij. Fecit me Deus quasi patrem regis, et dōminum univērsæ domus ejus : * Exaltavit me, ut salvos faceret multos pōpulos. **℣.** Venite ad me, et ego dabo vobis ōmnia bona Ægypti, ut comedatis medullam terræ. — Exaltavit.

℟. iij. Jam lætus mōriar quia vidi faciē tuam, et supērstitem te relinquo. Non sum fraudatus aspēctu tuo : * Insuper ostēdit mihi Dōminus semētuum. **℣.** Qui pascit me ab adolescētia mea, benedicat pūeris istis, et invocetur super eos nomen

meum. — Insuper. **Glōria Patri.** Insuper.

In II. Nocturno.

Añā. Consurgens Joseph, * accēpit pūerum et matrem ejus nocte, et secessit in Ægyptum : Et erat ibi usque ad ōbitum Herōdis.

Añā. Defūcto Herōde, * Angelus Dōmini apparuit in somnis Joseph in Ægypto, dicens : Surge, et accipe pūerum et matrem ejus, et vade in terram Israel : defūcti sunt enim qui quærēbant animam pūeri.

Añā. Accēpit Joseph * pūerum et matrem ejus, et venit in terram Israel.

℣. Respice de cœlo, et vide, et visita vineam istam. **℟.** Et pērfice eam.

Sermo sancti Bernardi Abbātis.

Homilia ij. super Missus.

Lectio ib.

DEsponsata est Maria Joseph, vel pōtius (sicut ponit Evangelista) viro, cui nomen erat Joseph : virum nōminat, non quia maritus, sed quod homo virtutis erat : vel pōtius quia juxta alium Evangelistam, non vir simpliciter, sed vir ejus dictus est,

mérito appellatur quod necessario putatur. Debuit ergo vir ejus appellari, quia necesse fuit et putari : sicut et pater Salvatoris non quidem esse, sed dici meruit, ut putaretur esse, dicente hoc ipso Evangelista : Et ipse Jesus erat incipiens quasi annorum triginta, ut putabatur, filius Joseph.

℟. Dedisti mihi protectionem salutis tuæ, et dextera tua suscepit me : * Protector meus, et cornu salutis meæ, et susceptor meus. **℣.** Ego protector tuus sum, et merces tua magna nimis. — Protector.

Lectio h.

NON est dubium, quin bonus et fidelis homo fuerit iste Joseph, cui Mater desponsata est Salvatoris. Fidelis, inquam, servus et prudens, quem constituit Dominus suæ Matris solatium, suæ carnis nutritium, solum denique in terris magni consilii coadjutorem fidelissimum. Huc accedit, quod dicitur fuisse de domo David. Vere enim de domo David. Vere de regia stirpe descendit vir iste Joseph, nobilis genere,

mente nobilior. Plane filius David, non degenerans a patre suo David; prorsus, inquam, filius David, non tantum carne, sed fide, sed sanctitate, sed devotioe, quem tamquam alterum David Dominus invenit secundum cor suum, cui tuto committeret sacratissimum atque secretissimum sui cordis arcenum : cui tamquam alteri David, incerta et occulta sapientiae suæ manifestavit, et dedit illi non ignarum esse mysterii, quod nemo principum hujus sæculi agnovit.

℟. Statuet filios suos sub tegmine illius, et sub ramis ejus morabitur : protegatur sub tegmine illius a fervore : * Et in gloria ejus requiescet. **℣.** Sperate in eo, omnis congregatio populi : effundite coram illo corda vestra. — Et in gloria.

Lectio h.

CUI denique datum est, quod multi reges et Prophetæ cum vellent videre, non viderunt, audire et non audierunt, non solum videre et audire, sed etiam portare, deducere, amplecti, deosculari et nutrire et custodire.

Non tantum Joseph, sed et Maria descendisse credenda est de domo David : alióquin non esset desponsata viro de domo David, si non esset et ipsa de domo David. Ambo igitur erant de domo David : sed in áltera completa est veritas, quam juravit Dominus David, áltero tamen conscio et teste adimplétæ promissionis.

✠. Si consistant adversum me castra, non timebit cor meum : * Si exsurgat adversum me proelium, in hoc ego sperabo. ✠. In te cantatio mea semper, quóniam tu adjutor fortis. — Si exsurgat. Glória Patri. Si exsurgat.

In III. Nocturno.

Añã. Audiens Joseph * quod Archeláus regnaret in Judæa pro Heróde patre suo, tímuit illo ire.

Añã. Admónitus in somnis, * Joseph secéssit in partes Galilææ: et véniens habitávit in civitate quæ vocátur Nazareth; ut adimplerétur quod dictum est per Prophétas : Quóniam Nazaráus vocábitur.

Añã. Erat pater Jesu * et mater mirántes super his quæ dicebantur de illo; et benedíxit illis Símeon.

✠. Invocávi Dóminum Patrem Dómini mei. ✠. Ut non derelinquat me in die tribulatiónis.

Lectio sancti Evangelii secúndum Lucam.

Lectio viij. Cap. iij. c

In illo témpore : Factum est autem, cum baptizaretur omnis pópulus et Jesu baptizato et orante, apértum est cælum. Et reliqua.

Homília sancti Augustini Episcopi. *Lib. 23. contra Faust, cap. vij. et viij.*

SIC de cælo dictum est super aquam Jordánis : Hic est Filius meus diléctus, in quo mihi bene complácuí : quemádmódu dictum est et in monte. Neque enim quia et ibi de cælo vox ipsa sónuít, Fílius Dei ante non fuit : quándóquidem ex útero Vírginis ille accépit formam servi, qui cum in forma Dei esset, non rapinam arbitrátus est, esse se æquálem Deo. Dénique idem Apóstolus Paulus álío loco apértissime dicit : Cum autem venit plenitúdo témporis, misit Deus Fílium suum factum ex muliere, factum sub lege, ut eos, qui sub lege erant, redimeret, ut

filiórum adoptiόνem reciperémus. Ipse ergo est Fílius Dei, qui et Dóminus David secúndum divinitátem, et idem ipse fílius David ex sémine David secúndum carnem.

✠. Joseph fili David, noli tímère accípere Mariam conjugem tuam : quod enim in ea natum est, de Spíritu sancto est : páriet autem fílium, * Et vocábis nomen ejus Jesum. ✠. Ipse enim salvum fáciét pópulum suum a peccátis eórum. — Et vocábis.

Lectio viij.

Quod si nobis credere non prodésset, non hoc tam atténte idem Apóstolus Timótheo commendáret dicens : Memor esto Christum Jesum resurrexísse a mórtuis, ex sémine David, secúndum Evangelium meum. Quid ergo jam móveat sancti Evangelii sectatórem, quod sine concúbitu Joseph Christus natus ex Vírgine, fílius tamen David appellátur, cum generatiónum sériem non usque ad Mariam, sed usque ad Joseph Matthæus Evangelista perducát? Primo quia maríti ejus fúerat propter virilem sexum pótius hono-

randa persóna : neque enim quia concúbitu non permíxtus, ideo non marítus, cum ipse Matthæus narret ab Angelo Mariam conjugem ipsius appellátam, qui narrat, quod de Spíritu sancto concéperat.

✠. Surge, et accípe púerum et matrem ejus, et fuge in Ægyptum : * Et esto ibi usque dum dicam tibi. ✠. Ut adimplerétur quod dictum est a Dómino per Prophétam dicéntem : Ex Ægypto vocávi fílium meum. — Et. Glória. Et.

Lectio ix.

CUM vero unus idémque narrátor utrúmque dicat, utrúmque commendét, et virum Mariæ Joseph, et Christi Vírginem Matrem, et Christum ex sémine David, et Joseph in série progengeratórum Christi ex David : quid restat, nisi et Mariam non fuisse extráneam a cognatióne David, et eam Joseph conjugem non frustra appellátam propter órđinem sexus et animórum conföderatiónem; et Joseph pótius propter dignitátem virilem ab órđine generatiónum illárum non fuisse separándum, ne hoc ipso viderétur ab illa

femina separatus, cui eum
conjugebat mentis affe-
ctus?

Te Deum laudamus. 20.

AD LAUDES,
et per Horas, Añæ.

1. Jacob autem * genuit
Joseph virum Mariæ, de
qua natus est Jesus, qui
vocatur Christus.

Psalmi de Dominica. 21.

2. Missus est * Angelus
Gabriel a Deo in civitatem
Galilææ, cui nomen Na-
zareth, ad virginem de-
sponsatam viro, cui nomen
erat Joseph.

3. Ascendit autem * Jo-
seph a Galilæa de civitate
Nazareth, in Judæam in
civitatem David, quæ vo-
catur Bethlehem.

4. Et venerunt festinan-
tes, * et invenerunt Ma-
riam et Joseph, et infan-
tem positum in praesepio.

5. Et ipse Jesus * erat in-
cipiens quasi annorum tri-
ginta, ut putabatur, filius
Joseph.

Capitulum. Gen. xlix. d.

Benedictiones patris
tui confortatae sunt
benedictionibus patrum
ejus : donec veniret desi-
derium collium aeterno-
rum : fiant in capite Jo-
seph, et in vertice Nazaræi
inter fratres suos.

Hymnus.

Celitus Joseph decus,
atque nostræ

Certa spes vitæ, columen-
que mundi,

Quas tibi læti cānimus,
benignus

Sūscipe laudes.

Te Sator rerum stāuit pu-
dicæ

Virginis sponsum, voluit-
que Verbi

Te patrem dici, dedit et
ministrum

Esse salutis.

Tu Redemptorem stābulo
jacentem,

Quem chorus Vatum cēci-
nit futurum,

Aspicias gaudens, humilis-
que natum

Numen adoras.

Rex Deus regum, Domi-
nator orbis,

Cujus ad nutum tremit in-
ferorum

Turba, cui pronus famu-
latur æther,

Se tibi subdit.

Laus sit excelsæ Triadi
perennis,

Quæ tibi præbens sūperos
honores,

Det tuis nobis mēritis
beatæ

Gaudia vitæ. Amen.

¶ Dedisti mihi protectiō-
nem salutis tuæ. **R.** Et
dextera tua suscepit me.

Ad Benedictus, Añæ. Jo-
seph fili David, * noli ti-
mere accipere Mariam
conjugem tuam : quod
enim in ea natum est, de
Spiritu sancto est.

Oratio.

Deus, qui ineffabili
providentia beatum
Joseph sanctissimæ Geni-
tricis tuæ sponsum eligere
dignatus es : præsta quæ-
sumus, ut quem protecto-
rem veneramur in terris,
intercessorem habere me-
reamur in cælis. Qui vivis.

AD TERTIAM.

Capit. ut in Laud. supra.

R. br. Constituit eum.
* Dominum domus suæ.
Constituit. ¶ Et principem
omnis possessionis suæ.
Dominum. Glória Patri.
Constituit.

¶ Confitebor nōmini tuo.
R. Quōniam adjutor et
protector factus es mihi.

AD SEXTAM.

Capitulum. Gen. xlix. c.

Deus patris tui erit ad-
jutor tuus, et Omni-
potens benedicet tibi bene-
dictionibus cæli desuper.

R. breve. Confitebor,
* Nōmini tuo. Confitebor.

¶ Quōniam adjutor et
protector factus es mihi.
Nōmini. Glória. Confitebor.

¶ Justus germinabit sic-

ut lilium. **R.** Et florēbit in
æternum ante Dōminum.

AD NONAM.

Capitulum. Gen. xlix. c.

Filius accrescens Jo-
seph, filius accrescens
et decōrus aspectu : filia
discurrerunt super mu-
rum.

R. br. Justus germinā-
bit, * Sicut lilium. Justus.

¶ Et florēbit in æternum
ante Dōminum. Sicut. Gló-
ria Patri. Justus.

¶ Plantatus in domo Dō-
mini. **R.** In atrii domus
Dei nostri.

IN II. VESPERIS.

Añæ ut in Laud. [300]
Psalmi ut in j. Vesperis de
Communi Apostol. [2]
Capitulum et Hymnus ut
in j. Vesperis. [294]

¶ Sub umbra illius quem
desideraveram sedi. **R.** Et
fructus ejus dulcis gutturi
meo.

Ad Magnif. Añæ. Fili,
quid fecisti * nobis sic?
Ecce pater tuus et ego do-
lentes quærebamus te.

PRO FERIA V.

De SS. Eucharistiæ
Sacramento.

Semiduplex.

IN I. VESPERIS.

Añæ. Sacerdos in æter-
num.

Psalmus cix.

Exit Dóminus Dómino meo : * Sede a dextris meis : Donec ponam inimicos tuos, * scabellum pedum tuorum.

Virgam virtutis tuæ emittet Dóminus ex Sion : * dominare in medio inimicorum tuorum.

Tecum principium in die virtutis tuæ in splendóribus sanctorum : * ex útero ante luciferum genui te.

Juravit Dóminus, et non penitēbit eum : * Tu es sacerdos in ætérnum secúndum órđinem Melchisedech.

Dñs a dextris tuis, * confrēgit in die iræ suæ reges. Judicabit in nationibus, implēbit ruinas : * conquassabit cápita in terra multorum.

De torrente in via bibet : * propterea exaltabit caput.

Añā. Sacerdos in ætérnum Christus Dóminus secúndum órđinem Melchisedech, panem et vinum obtulit.

Añā. Miserátor Dóminus.

Psalmus cx.

Confitebor tibi Dómine in toto corde meo : * in consilio justorum et congregatióne.

Magna ópera Dómini : * exquisita in omnes voluntates ejus.

Confessio et magnificentia opus ejus : * et justitia ejus manet in sæculum sæculi.

Memóriam fecit mirabilem suorum, misericors et miserátor Dóminus : * escam dedit timéntibus se.

Memor erit in sæculum testaménti sui : * virtutem óperum suorum annuntiabit pópulo suo :

Ut det illis hereditatem Géntium : * ópera manuum ejus veritas, et iudicium.

Fidélia ómnia mandata ejus : confirmata in sæculum sæculi, * facta in veritate et æquitate. Redemptiõnem misit pópulo suo : * mandavit in ætérnum testaméntum suum.

Sanctum, et terribile nomen ejus : * initium sapientiæ timor Dómini.

Intelléctus bonus omnibus faciéntibus eum : * laudatio ejus manet in sæculum sæculi.

Añā. Miserátor Dóminus escam dedit timéntibus se in memóriam suorum mirabilem.

Añā. Cálicem salutáris.

Psalmus cxv.

Credidi, propter quod locutus sum : * ego autem humiliatus sum nimis.

Ego dixi in excéssu meo : * Omnis homo mendax.

Quid retribuam Dómino, * pro ómnibus, quæ retribuit mihi?

Cálicem salutáris accipiam : * et nomen Dómini invocábo.

Vota mea Dómino reddam coram omni pópulo ejus : * pretiosa in conspectu Dómini mors sanctorum ejus :

O Dómine quia ego servus tuus : * ego servus tuus, et fílius ancillæ tuæ.

Dirupisti vincula mea : * tibi sacrificábo hóstiam laudis, et nomen Dómini invocábo.

Vota mea Dómino reddam in conspectu omnis pópuli ejus : * in átriis domus Dómini, in medio tui Jerúsalem.

Añā. Cálicem salutáris accipiam, et sacrificábo hóstiam laudis.

Añā. Sicut novellæ olivárum.

Psalmus cxvij.

Beatí omnes, qui timent Dóminum, * qui ambulat in viis ejus.

Labóres manuum tuarum quia manducábis : * beatus es, et bene tibi erit.

Uxor tua sicut vitis abúndans, * in latéribus domus tuæ.

Fílii tui sicut novellæ olivárum, * in circúitu mensæ tuæ.

Ecce sic benedicetur homo, * qui timet Dóminum.

Benedicat tibi Dóminus ex Sion : * et vídeas bona Jerúsalem ómnibus diébus vitæ tuæ.

Et vídeas fílios filiórum tuorum, * pacem super Israel.

Añā. Sicut novellæ olivárum, Ecclésiæ filii sint in circúitu mensæ Dómini.

Añā. Qui pacem.

Psalmus cxvij.

Lauda Jerúsalem Dóminum : * lauda Deum tuum Sion.

Quóniam confortávit se-ras portarum tuarum : * benedixit filiis tuis in te.

Qui pósuit fines tuos pacem : * et ádipe fruménti sátiat te.

Qui emittit elóquium suum terræ : * velociter currit sermo ejus.

Qui dat nivem sicut lanam : * nébulam sicut cinerem spargit,

Mittit cristállum suam